

Հայոց լեզվի օլիմպիադայի հանրապետական փուլի

Պատասխաններ-10-րդ դասարան

1. Հազար ինը հարյուր վեց **թվականն էր**: Կոմիտասը մեկնեց Փարիզ՝ մասնակցելու երգարվեստի համաշխարհային փառատոնին: Նա զորուզիչներ տքնաջան աշխատում էր՝ ըմբռնելով, որ իր արվեստով օտար ունկնդրին պատկերացում պիտի տա Հայաստանի և հայ ժողովրդի՝ մինչ այդ աշխարհին անծանոթ մշակույթի մասին:

Լեփ-լեցուն է Փարիզի սյունազարդ սրահներից՝ մեկը. շուրջբոլորը ծաղկեփնջեր են, դահլիճում՝ խստապահանջ հանդիսականներ, բեմին՝ մեծահամբավ երաժիշտներ:

Ահա բեմահարթակ դուրս եկավ սևամորուս մի այր՝ երկարաքղանցք սքեմով ու վեղարով, և դահլիճը միանգամից փոթորկվեց. ո՞վ է այդ հոգևորականը և ի՞նչ է անելու, **ինչպե՞ս** կարող է հաղթել համաշխարհային աստղերի մրցույթում: Զսպելով հոգու՝ ալեկոծությունը՝ Կոմիտասը դահլիճի հարցական հայացքի ներքո մոտեցավ **դաշնամուրին**՝ ներքուստ զգալով թպրտացող սրտի **թրթիռը**:

Երբ սրահը լցվեց վարդապետի՝ հոգին պարուրող դողանջներով, դահլիճը համրացավ. մարդկանց թվաց՝ ժամանակը կանգ է առել, ու իրենք, երկրային **աշխարհից** անւացած, հայտնվել են տիեզերական անեզրության մեջ:

Այդ օրը Կոմիտասը դարձավ երգի համաշխարհային փառատոնի դափնեկիր:

- թվականն էր**- բաղադրյալ ստորոգյալ, **ինչպե՞ս**-ձևի պարագա, **թրթիռը**- ուղիղ խնդիր, **դաշնամուրին**-հանգման խնդիր, **աշխարհից**-անջատման խնդիր
- ա + քն(քուն)+ ա + ջան, լեփ-լեց + ուն, բեմ + ա + հարթ + ակ, ալե(ալի+ա) + կոծ + ուլություն, տի+ եզեր + ական, երկար + ա + քղ(քուղ) + անց +ք,
- հազար, մեկնել, իր, մասին, այր, վարդապետի, երգի
- պարեգոտ**- պատմուճան, թիկնոց, երկար վերնազգեստ և այլն, **կռուփ**- բռունցք, մուրց, **ծխնի**- դուռը շրջանակին ամրացնող բացվող-փակվող հարմարանք, **շափյուղա**-կանաչ կամ կապույտ թանկարժեք քար, **հորջորջել**-1. անուն դնել, անվանել, կոչել, 2. մականուն դնել, վերադիր անուն դնել, **երախայրիք**- 1.առաջին պտուղ՝ բերք, 2.առաջին ստեղծագործություն, աշխատանքի առաջին արդյունք
- ա.** ամպամած, միգամած (երկինք), **բ.** մութ, խավար, **գ.** մուգ գույնի, գորշ, սև (զգեստ), **դ.**տխուր, թախծոտ, **ե.**անհրապույր, ոչ պայծառ (տեսարան, սենյակ), **զ.**խոժոռ, անբարեհամբույր (դեմք), **է.**տխրությամբ լցված (մտքեր), **ը.** ճնշող տպավորություն՝ տրամադրություն (կիրճ), **թ.**ծանր, անհեռանկար (օրեր)
- սիրտ առնել**- համարձակվել, խիզախել
սիրտը առնել- բարկությունը անցկացնել, սիրաշահել, ամոքել,
սիրտը ելնել-հուզվել, բարկանալ,
սիրտը բացվել-տրամադրությունը լավանալ, ուրախանալ,
- երախտիք**-ուրիշին արած բարի գործ, բարերարություն, արվեստի՝ գիտության բնագավառում թողած մեծ ավանդ,
երախտագիտություն- երախտիքը գիտենալն ու գնահատելը, շնորհակալություն,
հրաձիգ- 1.հրացանով վարժ՝լավ կրակող մարդ, 2. հրազենով կրակող մարտիկ՝ զինվոր, **հրձիգ** 1. կրակ թափող, 2.կրակ տվող, հրդեհող, 3. բորբոքող, հրահրիչ, որևէ բանի դրդող:

Գնահատման չափանիշներ - 10-րդ դասարան

Ամբողջ հարցաշարին տրվում է 50 միավոր, որից՝

1. Բնագրի ճիշտ կետադրության համար տրվում է 6 միավոր:

Յուրաքանչյուր կետադրական ոչ ճիշտ նշանի համար հանվում է 1 միավոր:

2. Յուրաքանչյուր ճիշտ պատասխան՝ 1, ընդհանուր՝ 5 միավոր:

3. Յուրաքանչյուր ճիշտ պատասխան՝ 1, ընդհանուր՝ 6 միավոր:

Եթե արմատը կամ անձանցը ճիշտ ընդգծված չէ, միավոր չի տրվում:

4. Յուրաքանչյուր ճիշտ պատասխան՝ 1, ընդհանուր՝ 5 միավոր

Եթե տվյալ բառագույգի բառերից մեկը ճիշտ մեկնաբանված չէ, ապա բառագույգի համար միավոր չի տրվում:

5. Յուրաքանչյուր ճիշտ պատասխան՝ 1, ընդհանուր՝ 6 միավոր:

6. Յուրաքանչյուր ճիշտ պատասխան՝ 1, ընդհանուր՝ 4 միավոր:

7. Յուրաքանչյուր ճիշտ պատասխան՝ 1, ընդհանուր՝ 4 միավոր:

8. Յուրաքանչյուր ճիշտ պատասխան՝ 1, ընդհանուր՝ 4 միավոր:

9. Շարադրության համար տրվում է 10 միավոր:

Բոլոր առաջադրանքների ուղղագրական յուրաքանչյուր սխալի համար հանվում է 1 միավոր, կետադրականի համար՝ 0,5 միավոր, քերականական, ոճական և տողադարձի սխալներից յուրաքանչյուրի համար՝ 0,25 միավոր:

Յուրաքանչյուր առաջադրանքի ավել գրած սխալ պատասխանի համար հանվում է 1-ական միավոր: